

八大山人诗钞

编者：汪子豆

出版者：上海人民美术出版社

上海长乐路六七二五三三号

责任编辑：陆海超

印刷者：湖州市精美装潢印刷厂

发行者：新华书店上海发行所

一九八二年九月第一版第一次印刷

统一书号：8081·11737 印数3,700

定价：2.80 元

平西小像

中宣帝即位後二。遷居反平
安平。為余字。以時。年四十有八



五〇五八三

八大山人詩鈔贅語

世傳八大山人有詩數卷，藏之篋中，秘不示人。山人歿後，詩卷亦無傳。余酷愛山人詩，歷年來，從其書畫及有關典籍，抉擇錄存，得百數十首。凡刊誤與傳訛者，力之所及，予以更改，尙餘數則，俟有考實，再作訂正。山人詩，語多晦澀，其草書亦詭譎難辨，錯認處恐亦不少。

山人爲明宗室，南昌弋陽王孫。生於明天啓六年丙寅（一六二六），清康熙四十四年乙酉（一七〇五）時年八十，秋日尙有畫作，疑卒於是歲之冬。山人名號頗多，自署者有：傳綰、个山、

雪个、刃菴、驢、驢屋、人屋、朱道朗、良月、破雲樵者、八大山人等，尤以八大山人一號爲最常用。每簽署此四字時，兩兩連綴，如「哭之」、「笑之」；又將崇禎自縊之日——「三月十九日」組成花押，均寓有深意。明亡，初爲僧，中年兼宗道教，晚歲以儒士終。畢生憤明室之傾覆，以頑強不屈之精神反抗清廷，常借詩、酒、書、畫發泄其鬱結之痛，從其作品中可見一斑。

山人以書畫名，爲一代宗匠。詩文固其餘事，其詩自出機杼，弦外意深，卓然自成一家。惜其少爲人傳誦耳。詩乃言志，欲作進一步瞭解，應循其詩探索之。

一九六四年八月子豆記

八大山人詩鈔

子 豆 輯

題畫石壁芙蓉扇面

總欺學學與堯堯，喚作天門第一橋。
待到中流人共曉，莫將深淺問江潮。

題畫蔬菜

無一無分別，無二無二號。
吸盡西江水，他能爲汝道。
和盤拓出大西瓜，眼裏無端已着沙。
寄語土人休浪笑，撥開荒草

事如麻。

從來瓜瓞詠綿綿，果熟香飄道自然。
不似東家黃葉落，謾將心印補西天。

題畫蔬菜

洪厓老大煨榴榴，撥盡寒灰手加額。
是誰敲破雪中門，願舉蹲鴟以奉客。

題畫茄菜

己亥七月旱甚，灌園長老畫一茄一菜寄西村居士云：

半隣茄子半隣蔬，閒翦秋風供苾芻。試問西村王大老，盤飧拾得此莖無。

西村展玩，噴飯滿案。南昌劉漪岳聞之，且欲索予花封三嘯圖，余答以詩云：

十年如水不曾疏，欲展家風事事無。惟有荒園數莖葉，拈來笑破紫盧都。

劉漪岳索三嘯不聽。十二月松門大雪，十指如槌，三兩禪和煮菜根味頗佳，因念前事，爲京庵兄作數莖葉於祝釐上，可謂醢揀濕處尿，熱處難忘也。然京庵日侍維摩方丈，知南方亦有此味，西方亦有此味，窮幽極渺，以至於卒地折，曝地斷，又焉知三月不忘肉味哉！誠恐西村、漪岳兩個沒孔鉄槌依樣畫葫蘆耳。灌園長老題。

題畫花卉松石

尿天尿床無所說，又向高深闢草萊。不是霜寒春夢斷，幾乎難辨墨中煤。

題畫

碧蓮花競雪天開，又道寒巖放早梅。大抵春回俱一致，只教迸散白雲堆。

題畫

擊碎須彌腰，折却楞伽尾。渾無斧鑿痕，不是驚神鬼。

題畫

月自不受晦，澹烟濛亦好，俯仰矚晴軒，籬根空皎皎。此時世上心，所習惟枯槁。誰解惜其花，長夏恣幽討？

題 畫

三五銀箏興不窮，芙蓉江上醉秋風。于今邈抹渾無似，落草盤桓西社東。

題畫玉蘭

是筆搖春思，平明夢作花。判官□不定，金馬賦誰家。

題畫綉球

人打球來馬打球，年年二月百花洲。
百花二月春風暮，誰共美人樓上頭。

題畫蘭

寫竹寫蘭吳仲圭，蘭何佩短竹葉齊。
還家宋遠思童子，衛適狂歌聽馬蹄。

題畫石菖蒲

只道君王無戲言，乾封禱祠漢乾年。
靈雲正滿陂塘水，分半蟬聯與蝶聯。

題畫玉簪

如切如磋碧玉簪，銀箏并斷好新歡。
歡時愛重悲如趙，一體君臣馬上
上看。

題秋葉草蟲

東畔荷花高出樓，西家蓮葉比輕舟。
妾心如葉花如葉，直溯銀河不
肯流。

題畫芙蓉

芙蓉好顏色，老大昆明池。
薄醉忘歸去，燕脂抹到眉。

題畫竹

平安母竹一書投，竹對平安兩不休。
報盜吳趣僧寺藥，衙官招畫死
貓頭。

南竹不值東西亭，北竹一鐙南方金。
焉得南方此北竹，魚兮子瞻肉
驢屋。

題畫貓

寶誌原非直史魚，洛伽何同遠庖廚。
四海回頭本□□，亦可人間有

是夫。

題畫栗

石女呼長風，木人打腰鼓。拋出栗棘蓬，是誰解吞吐。

題畫墨梅

易馬吟

犬塔殊如昨，何爲不留床？如花語劍器，愛馬作商量。苦淚交千點，青春事適王。曾云午橋水，更買墨花莊。

分付梅花吳道人，幽幽翟翟莫相親。南山之南北山北，老得焚魚婦

虜塵。

壬子春又題前二未標走筆之妙，再爲易馬吟，即上一首。

得本還時末也非，曾無地瘦與天肥。梅花畫裏思思肖，和尚如何爲探微。

戊午中秋自題《个山小像》

歿毛驢，初生兔。勢破面門，手足無措。莫是悲他世上人，到頭不識來時路。今朝且喜當行，穿過葛藤露布，咄！

中秋後二日又說

黃檗慈悲且帶嗔，雲居惡辣翻成喜。李公天上石麒麟，何曾邈得到你？若不得個破笠頭遮却，叢林一時嗔喜何能已！

又題

雪峯從來，疑個布衲，當生不生，是殺不殺。至今道絕韶陽，何異石頭路滑。這梢郎子，汝未遇人時，沒徧徧。

又題

生在曹洞臨濟，有穿過臨濟曹洞，有曹洞臨濟兩俱非。羸羸然若喪家之狗，還識得此人麼？羅漢道底。

無題

一疏甘爲草莽臣，後生竊慕此先民。空中泡影虛追跡，局內機緣假認真。繼往難辭身是幻，開來倏見道成津。遇之旦暮還同笑，山色依然世外塵。

無題

一衲無餘遍大千，饑飧渴飲學忘年。林泉酣放纔爲我，巖谷深容稍悞天。蝶化夢回吁幻跡，鶴鳴仙至憶前川。撥開荒草培枝上，古岸新紅機露先。

畢 甕

深房有高甕，把酒無閒時。
焉得無閒時？翻令吏部疑。

汲 甕

汲冢字淹留，伸脣那到喉？
阿兄在地底，小弟上樓頭。

春 甕

若曰甕頭春，甕頭春不見。
有客豫章門，佯狂語飛燕。

醋 甕